

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 13

28 ოქტომბერი, 2022 წელი

ქ. თბილისი, თავისუფლების მოედანი #2

16:00 სთ

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე ნინო ვარდოსანიძე.

სხდომას ესწრებოდნენ სახელდებისა და სიმბოლიკის კომისიის წევრები:

თინათინ ნიბლოშვილი

მარიამ ზაქარიაშვილი

კახაბერ ლაბუჩიძე

სხდომა გახსნა კომისიის თავმჯდომარემ ნინო ვარდოსანიძემ. მან დაადასტურა კვორუმი და კენჭისყრაზე დააყენა დღის წესრიგი.

დღის წესრიგი

1. ქალაქ თბილისში, ჩუღურეთის რაიონში, ჩუღურეთის ხიდისთვის მწერლის გურამ დოჩანაშვილის სახელის მინიჭების შესახებ.
2. ქალაქ თბილისში, ჩუღურეთის რაიონში, ჭოროხის ქუჩისთვის ფოლკლორისტი ანზორ ერქომაიშვილის სახელის მინიჭების შესახებ.
3. ქალაქ თბილისში, მთაწმინდის რაიონში, თბილისის ქუჩის მონაკვეთისთვის, მასთან არსებული ერთი ჩიხისთვის და ერთი შესახვევისთვის რეჟისორის, მხატვრის რევაზ გაბრიაძის სახელის მინიჭების შესახებ
4. ქალაქ თბილისში, ჩუღურეთის რაიონში, ვლადიმერ კანკავას ქუჩისთვის კომპოზიტორის გომარ სიხარულიძის სახელის მინიჭების შესახებ
5. ქალაქ თბილისში, ჩუღურეთის რაიონში, გაბრიელ სუნდუკიანის ქუჩის შესახვევისთვის ფოლკლორისტი კუკური ჭოხონელიძის ქუჩის სახელის მინიჭების შესახებ
6. ქალაქ თბილისში, ისნის რაიონში, კონსტანტინე ცუცქერიძის ქუჩის მონაკვეთისთვის და იორის შესახვევის მონაკვეთისთვის არქიტექტორის გიგა ბათიაშვილის სახელის მინიჭების შესახებ
7. ქალაქ თბილისში, დიდუბის რაიონში, გრიგოლ რობაქიძის გამზირთან მდებარე უსახელო ქუჩისთვის და მასთან არსებული სვერისთვის მომღერლის, მუსიკოსის ჯემალ ჭკუასელის სახელის მინიჭების შესახებ
8. ქალაქ თბილისში, გლდანის რაიონში, მუხიანში, იოსებ ნონეშვილის ქუჩასთან მდებარე უსახელო ქუჩისთვის მომღერლის ზურაბ ბაკურაძის სახელის მინიჭების შესახებ.
9. ქალაქ თბილისში, ისნის რაიონში, ნავთლუღის ქუჩასთან არსებული უსახელო სვერისთვის საბერძნეთის სახელის მინიჭების შესახებ.

სახელდებისა და სიმბოლიკის კომისიის თავმჯდომარემ ნინო ვარდოსანიძემ კომისიის წევრებთან ერთად განიხილა დღის წესრიგით წარმოდგენილი თითოეული საკითხი. კომისიის წევრებმა მოისმინეს და საკუთარი მოსაზრებები გამოთქვეს.

1. ქალაქ თბილისში, ჩუღურეთის რაიონში, ჩუღურეთის ხიდისთვის მწერლის გურამ დოჩანაშვილის სახელის მინიჭების შესახებ.

მოისმინეს:

ნინო ვარდოსანიძის განცხადებით, ქართველი კლასიკოსი მწერალი, თანამედროვე ქართული ლიტერატურის ერთ-ერთი გამორჩეული წარმომადგენელი გურამ დოჩანაშვილი 2021 წლის 3 აპრილს გარდაიცვალა.

სახელდებისა და სიმბოლიკის კომისიამ მწერლის ღვაწლის სათანადოდ დაფასების მიზნით შეისწავლა თბილისის ადმინისტრაციულ საზღვრებში არსებული ხიდებისთვის სახელწოდებების მინიჭების ფაქტობრივი გარემოებები. შესწავლის შედეგად დგინდება, რომ თბილისში, მტკვარზე არსებული ხიდი, მშრალი ხიდიდან ზაარბრიუკენის მოედანზე ატარებს ჩულურეთის სახელს, სხვა დანარჩენ ხიდებს მინიჭებული აქვს სხვადასხვა პერიოდის დიდი ქართველი მოღვაწეების სახელები. კომისიამ მიიჩნია, რომ გურამ დოჩანაშვილი ჩვენი თანამედროვე მწერლობის ერთ-ერთი ყველაზე თვალსაჩინო წარმომადგენელია, ხსენებულის გათვალისწინებით კომისია თვლის, რომ ხსენებულ გეოგრაფიულ ობიექტს გურამ დოჩანაშვილის სახელი უნდა მიენიჭოს.

კომისიის წევრებმა აღნიშნულ საკითხს დადებითი რეკომენდაცია გაუწიეს.

კომისიის თავმჯდომარემ კენჭისყრაზე დააყენა საკითხი.

მომხრე - ოთხი

წინააღმდეგი - არცერთი.

თავი შეიკავა - არცერთი.

გადაწყვიტეს: ჩულურეთის რაიონში, ჩულურეთის ხიდს მიენიჭოს მწერლის გურამ დოჩანაშვილის სახელი.

2. ქალაქ თბილისში, ჩულურეთის რაიონში, ჭოროხის ქუჩისთვის ფოლკლორისტის ანზორ ერქომაიშვილის სახელის მინიჭების შესახებ.

მოისმინეს:

სხდომის თავმჯდომარემ წინო ვარდოსანიძემ კომისიის წევრებს გააცნო მეორე საკითხი. ქ. თბილისის მუნიციპალიტეტის საკრებულოს სახელდებისა და სიმბოლიკის კომისიამ გამოთქეა სურვილი თბილისში არსებული ერო-ერთი გეოგრაფიული ობიექტისთვის ქართველი მუსიკოსის, ფოლკლორისტის, ხელოვნების დამსახურებული მოღვაწის ანზორ ერქომაიშვილის სახელის მინიჭებასთან დაკავშირებით.

გეოგრაფიული ობიექტის შერჩევის მიზნით კონსულტაციები გაიმართა როგორც ანზორ ერქომაიშვილის ოჯახის წევრებთან, ასევე ფოლკლორის ეროვნული ცენტრის წარმომადგენლებთან. ერთობლივი მუშაობის შედეგად, კომისიამ მიზანშეწონილად მიიჩნია, რომ ანზორ ერქომაიშვილის სახელი მიენიჭოს ჩუღურეთის რაიონში არსებულ ჭოროხის ქუჩას. ხსენებული გეოგრაფიული ობიექტი მდებარეობს ფოლკლორის ცენტრის მიმდებარედ. ჩუღურეთის რაიონი ასევე აერთიანებს იმ საზოგადო მოღვაწეთა სახელობის ქუჩებს, რომლებიც კულტურის სფეროს თვალსაჩინო წარმომადგენლები და ანზორ ერქომაიშვილის თანამედროვეები არიან.

კომისიის თავმჯდომარემ კენჭისყრაზე დააყენა საკითხი.

მომხრე - ოთხი

წინააღმდეგი - არცერთი.

თავი შეიკავა - არცერთი.

გადაწყვიტეს: ჩუღურეთის რაიონში, ჭოროხის ქუჩას მიენიჭოს ფოლკლორისტის ანზორ ერქომაიშვილის სახელი.

3. ქალაქ თბილისში, მთაწმინდის რაიონში, თბილისის ქუჩის მონაკვეთისთვის, მასთან არსებული ერთი ჩიხისთვის და ერთი შესახვევისთვის რეჟისორის, მხატვრის რევაზ გაბრიამის სახელის მინიჭების შესახებ

მოისმინეს:

ნინო ვარდოსანიძემ კომისიის წევრებს მიაწოდა ინფორმაცია აღნიშნული საკითხის შესახებ. ქართული კულტურის თვალსაჩინო წარმომადგენელი, მხატვარი, მწერალი და რეჟისორი რევაზ გაბრიადე 2021 წელს გარდაიცვალა. მისმა შემოქმედებამ აღიარება არა მხოლოდ საქართველოში, არამედ მსოფლიო მასშტაბით მოიპოვა. სახელდებისა და სიმბოლიკის კონსტრუქციის რეჟისორის სახელის მისანიჭებლად გეოგრაფიული ობიექტების შერჩევის მიზნით კონსულტაციები გამართა რევაზ გაბრიადის ოჯახის წევრებთან. მსახიობის ვაჟის მოსაზრებით მნიშვნელოვანი იქნება თუ ქუჩას სახელწოდება მიენიჭება ოქროყანაში, იმ ტერიტორიაზე სადაც რევაზ გაბრიადე ცხოვრობდა. ხსენებულ ტერიტორიაზე ასევე დაგეგმილია მუზეუმისა და შემოქმედებითი სივრცის მოწყობა.

კომისიამ მიზანშეწონილად მიიჩნია აღნიშნული საკითხის დადებითად გადაწყვეტა.

კომისიის თავმჯდომარემ კენჭისყრაზე დააყენა მესამე საკითხი.

მომხრე - ოთხი

წინააღმდეგი - არცერთი.

თავი შეიკავა - არცერთი.

გადაწყვეტეს: მთაწმინდის რაიონში, თბილისის ქუჩის მონაკვეთს, მასთან არსებულ ერთ ჩიხს და ერთ შესახვევს მიენიჭოს რეჟისორის, მხატვრის რევაზ გაბრიადის სახელი.

4. ქალაქ თბილისში, ჩუღურეთის რაიონში, ვლადიმერ კანკავას ქუჩისთვის კომპოზიტორის, ლოტბარის გომარ სიხარულიძის სახელის მინიჭების შესახებ

მოისმინეს:

ნინო ვარდოსანიძემ განიხილა დღის წესრიგით წარმოდგენილი მეოთხე საკითხი. კომისიაში შემოსულია საქართველოს კომპოზიტორთა შემოქმედებითი კავშირის თავმჯდომარის გიორგი შავერზაშვილის წერილი, რომლითაც ითხოვს თბილისის ერთ-ერთ ქუჩას მიენიჭოს კომპოზიტორის, ლოტბარის გომარ სიხარულიძის სახელი. ასევე 14 მარტს იგივე მოთხოვნით კომისიაში შემოსულია საქართველოს შოთა რუსთაველის სახელობის თეატრისა და კინოს სახელმწიფო უნივერსიტეტის რექტორის გიორგი

შალუტაშვილის წერილი. გომარ სიხარულიძის შემოქმედება და მუსიკალური კომპოზიციები ქართველ მსმენელში დღემდე დიდი პოპულარობით სარგებლობს. სახელდებისა და სიმბოლიკის კომისიას მიზანშეწონილად მიაჩნია ჩუღურეთის რაიონში, ვლადიმერ კანკავას სახელობის ქუჩისთვის გომარ სიხარულიძის სახელის მინიჭება. ვლადიმერ კანკავას ბიოგრაფიული მონაცემებისა და მისი სახელობის ობიექტების დამუშავების პროცესში დადგინდა, რომ იგი გახლდათ მარტვილის მუნიციპალიტეტიდან. მარტვილის მუნიციპალიტეტში არის როგორც მისი სახელობის გეოგრაფიული ობიექტი, ასევე ადგილზე აღმართულია ძეგლი. ვინაიდან მეორე მსოფლიო ომში გარდაცვლილი ქართველების სახელზე თბილისში არსებობს შესაბამისი მემორიალები და ქუჩები, რომლებიც განპიროვნებული არაა და თემატურადაა სახელი მინიჭებული კომისიას შესაძლებლად მიაჩნია ცვლილების განხორციელება.

წინო ვარდოსანიძემ კენჭისყრაზე დააყენა აღნიშნული საკითხი.

მომხრე - ოთხი.

წინააღმდეგი - არცერთი.

თავი შეიკავა - არცერთი.

გადაწყვეტეს: ჩუღურეთის რაიონში, ვლადიმერ კანკავას ქუჩას მიენიჭოს კომპოზიტორის, ლოტბარის გომარ სიხარულიძის სახელი

5. ქალაქ თბილისში, ჩუღურეთის რაიონში, გაბრიელ სუნდუკიანის ქუჩის შესახვევისთვის ფოლკლორისტის კუკური ჭოხონელიძის ქუჩის სახელის მინიჭების შესახებ

მოისმინეს:

ნინო ვარდოსანიძის ინფორმაციით, კომისიაში შემოსულია შემოქმედებითი გაერთიანება „ლომისი“-ს გენერალური დირექტორის გია ბაღაშვილის წერილი, რომლითაც ითხოვს დედაქალაქის ერთ-ერთ ქუჩას მიენიჭოს ფოლკლორისტის კუკური ჭობონელიძის სახელი.

ჩუღურეთის რაიონში, გაბრიელ სუნდუკიანის ქუჩის და მისი შესახვევის შესწავლისას დადგინდა, რომ შესახვევი თავისი გავრცელების არეალის გათვალისწინებით შესაძლებელია ჩამოყალიბდეს დამოუკიდებელ ქუჩად. ამ მასშტაბის დამოუკიდებელი ქუჩები მრავლადაა ჩუღურეთის რაიონში. კომისია საჭიროდ მიიჩნევს ხსენებული შესახვევის ქუჩად ფორმირებას და მისთვის გამოჩენილი ფოლკლორისტის, პედაგოგისა და მუსიკოსის კუკური ჭობონელიძის სახელის მინიჭებას.

სხდომის თავმჯდომარემ კენჭისყრაზე დააყენა საკითხი.

მომხრე - ოთხი

წინააღმდეგი - არცერთი.

თავი შეიკავა - არცერთი.

გადაწყვიტეს: ჩუღურეთის რაიონში, გაბრიელ სუნდუკიანის ქუჩის შესახვევს მიენიჭოს ფოლკლორისტის კუკური ჭობონელიძის ქუჩის სახელი.

6. ქალაქ თბილისში, ისნის რაიონში, კონსტანტინე ცუცქერიძის ქუჩის მონაკვეთისთვის და იორის შესახვევის მონაკვეთისთვის არქიტექტორის გიგა ბათიაშვილის სახელის მინიჭების შესახებ

მოისმინეს:

სხდომის თავმჯდომარემ კომისიის წევრებს გააცნო აღნიშნული საკითხი. კომისიაში შემოსულია რუსთაველის საზოგადოების პრეზიდენტის დავით შემოქმედელის წერილი, რომლითაც ითხოვს თბილისის ერთ-ერთ ქუჩას მიენიჭოს არქიტექტორის გიგა ბათიაშვილის სახელი.

სახელდებისა და სიმბოლიკის კომისიამ 2022 წელს სამხატვრო აკადემიაში, გიგა ბათიაშვილის ხსოვნისადმი მიძღვნილ საღამოზე გამოთქვა მზაობა ქუჩისთვის მისი სახელის საგამონაკლისო წესით მინიჭებასთან დაკავშირებით. არქიტექტორის ბიოგრაფიული მონაცემების შესწავლისას დადგინდა, რომ საქართველოს ცერემონიების სასახლე გიგა ბათიაშვილის ერთ-ერთი პროექტია, ხოლო ხსენებული სასახლის მიმდებარედ არსებობს კონსტანტინე ცუცქერიძის ქუჩის მონაკვეთი, რომელიც მიზანშეწონილია ქალაქგეგმარებითად ჩამოყალიბდეს დამოუკიდებელ ქუჩად, ქუჩის მიმდებარედ არსებობს იორის ქუჩის შესახვევი, რომლის ნაწილიც ქალაქგეგმარებითად ასევე უნდა ჩამოყალიბდეს შემდგომში გიგა ბათიაშვილის ქუჩის I შესახვევად.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეექვსე საკითხი.

მომხრე - ოთხი.

წინააღმდეგი - არცერთი.

თავი შეიკავა - არცერთი.

გადაწყვიტეს: ისნის რაიონში, კონსტანტინე ცუცქერიძის ქუჩის მონაკვეთს და იორის შესახვევის მონაკვეთს მიენიჭოს არქიტექტორის გიგა ბათიაშვილის სახელი.

7. ქალაქ თბილისში, დიდუბის რაიონში, გრიგოლ რობაქიძის გამზირთან მდებარე უსახელო ქუჩისთვის და მასთან არსებული სკვერისთვის მომღერლის, მუსიკოსის ჯემალ ჭკუასელის სახელის მინიჭების შესახებ

მოისმინეს:

ნინო ვარდოსანიძემ კომისიის წევრებს წარუდგინა დღის წესრიგით გათვალისწინებული მეშვიდე საკითხი.

მ/წლის მაისის თვეში, ქალაქ თბილისის მუნიციპალიტეტის საკრებულოში შეხვედრა გაიმართა ანსამბლ „ერისიონის“ წარმომადგენლებთან. შეხვედრაზე განხილული იქნა თბილისში არსებული ერთ-ერთი გეოგრაფიული ობიექტისთვის ანსამბლ „ერისიონის“

სამხატვრო ხელმძღვანელის, საქართველოს ხელოვნების დამსახურებული მოღვაწის, საქართველოს სახალხო არტისტის ჯემალ ჭკუასელის სახელის მინიჭების საკითხი. სახელდებისა და სიმბოლიკის კომისიამ შეაფასა ჯემალ ჭკუასელის ღვაწლი ქართული კულტურის განვითარების საქმეში. საკითხის განხილვის პროცესში დადგინდა, რომ სახალხო არტისტი დიდუბის რაიონში ცხოვრობდა. სახელის მინიჭების მიზნით განხილული იქნა რამდენიმე გეოგრაფიული ობიექტი, კონსულტაციების საფუძველზე შერჩეული იქნა დიდუბის რაიონში, გრიგოლ რობაქიძის გამზირთან მდებარე უსახელო ქუჩა და სკვერი. აღსანიშნავია, რომ ჯემალ ჭკუასელი ხსენებულ სკვერს ხშირად სტუმრობდა, მისი დაკრძალვა სკვერთან არსებულ წმ. გიორგის სახელობის ტაძრიდან განხორციელდა.

წინა ვარდოსანიძემ კენჭისყრაზე დააყენა მეშვიდე საკითხი.

მომხრე - ოთხი.

წინააღმდეგი - არცერთი.

თავი შეიკავა - არცერთი.

გადაწყვეტეს: დიდუბის რაიონში, გრიგოლ რობაქიძის გამზირთან მდებარე უსახელო ქუჩას და მასთან არსებულ სკვერს მიენიჭოს მომღერლის, მუსიკოსის ჯემალ ჭკუასელის სახელი.

8. ქალაქ თბილისში, გლდანის რაიონში, მუხიანში, იოსებ ნონეშვილის ქუჩასთან მდებარე უსახელო ქუჩისთვის მომღერლის ზურაბ ბაკურაძის სახელის მინიჭების შესახებ.

მოისმინეს:

წინა ვარდოსანიძის ინფორმაციით, კომისიაში შპს „ქართული ხმები 2“-ის დირექტორის კახა გრიგალაშვილის წერილი, რომლითაც ითხოვს მუხიანში, იოსებ ნონეშვილის ქუჩასთან მდებარე უსახელო ქუჩას მიენიჭოს მომღერლის ზურაბ ბაკურაძის სახელი.

ზურაბ ბაკურაძე 1994 წლიდან ანსამბლ „ერისიონის“ წევრი იყო, ხოლო შემდგომ მოღვაწეობდა ანსამბლ „ბასიანში“. 1999 წელს ანზორ ერქომაიშვილმა იგი მიიწვია ანსამბლ „რუსთავში“, 2007 წლიდან კი „ქართული ხმების“ წევრი გახდა, სადაც მისი ცხოვრების 14 წელი გაატარა და პროფესიონალ შემსრულებლად იქცა. აღსანიშნავია მისი ღვაწლი ახალი თაობის აღზრდაშიც.

სახელდების განხორციელების პროცესში კომისიამ გაითვალისწინა ის ფაქტი, რომ ზურაბ ბაკურაძე ცხოვრობდა განმცხადებლების მიერ მოთხოვნილ ტერიტორიაზე და და საკითხი დადებითად გადაწყვიტა.

სხდომის თავმჯდომარემ კენჭისყრაზე დააყენა მერვე საკითხი.

მომხრე -ოთხი.

წინააღმდეგი - არცერთი.

თავი შეიკავა - არცერთი.

გადაწყვიტეს: გლდანის რაიონში, მუხიანში, იოსებ ნონეშვილის ქუჩასთან მდებარე უსახელო ქუჩას მიენიჭოს მომღერლის ზურაბ ბაკურაძის სახელი.

9. ქალაქ თბილისში, ისნის რაიონში, ნავთლუდის ქუჩასთან არსებული უსახელო სკვერისთვის საბერძნეთის სახელის მინიჭების შესახებ.

მოისმინეს:

ნინო ვარდოსანიძემ კომისიის წევრებს გააცნო დღის წესრიგით გათვალისწინებული მეცხრე საკითხი. ქალაქ თბილისის მუნიციპალიტეტის საკრებულოს სახელდებისა და სიმბოლიკის კომისია საქართველოში საბერძნეთის საელჩოს მომართვის საფუძველზე აქტიურად მუშაობს ერთ-ერთი გეოგრაფიული ობიექტისთვის საბერძნეთის სახელის მისანიჭებლად.

საქართველოსა და საბერძნეთს შორის პარტნიორული და მეგობრული ურთიერთობები საუკუნეების განმავლობაში ყალიბდებოდა. საქართველოს სხვადასხვა დასახლებულ პუნქტებში ბერძნული დიასპორის წარმომადგენლები საუკუნეების განმავლობაში ცხოვრობენ. ასევე აღსანიშნავია ქართული მრავალრიცხოვანი დიასპორა საბერძნეთში. ხსენებული

კავშირები - პოლიტიკური, სოციალური, ეკონომიკური და კულტურული ურთიერთობები კიდევ უფრო აღრმავებს ქართული და ბერძნულ სახელმწიფოების მეგობრობას.

თბილისში საბერძნეთის სახელის მინიჭებისთვის გეოგრაფიული ობიექტის შერჩევის მიმართულებით არაერთი შეხვედრა გაიმართა როგორც საქართველოში საბერძნეთის ელჩთან, ასევე საელჩოს სხვა ოფიციალურ პირებთან და დიასპორის წარმომადგენლებთან. ისნის რაიონის გამგეობისა და მერიის შესაბამისი სამსახურების ჩართულობით და საელჩოს მონაწილეობით დაიგეგმება სკვერის თემატურად მოწყობის ღონისძიებები.

კომისიის წევრებმა აღნიშნულ საკითხს დადებითი რეკომენდაცია გაუწიეს.

მომხრე - ოთხი.

წინააღმდეგი - არცერთი.

თავი შეიკავა - არცერთი.

გადაწყვიტეს: ისნის რაიონში, ნავთლულის ქუჩასთან არსებულ უსახელო სკვერს მიენიჭოს საბერძნეთის სახელი.

საჯარო სხდომაზე განხილული საკითხების შემდეგ, კომისიის თავმჯდომარემ, ნინო ვარდოსანიძემ კომისიის წევრებს ინიცირებისთვის წარუდგინა დღის წესრიგით გათვალისწინებული შემდეგი საკითხები:

დღის წესრიგი

1. ქალაქ თბილისში, ვაკის რაიონში, თამაზ ნადარეიშვილის ქუჩასთან მდებარე უსახელო ქუჩისთვის ვაჟა გვანცელაძის სახელის მინიჭების შესახებ.

2. ქალაქ თბილისში, გლდანის რაიონში, ჭიჭინაძის ქუჩისთვის და მასთან არსებული ორი შესახვევისთვის გიორგი და ზვიად უგრეხელიძეების სახელის მინიჭების შესახებ.
3. ქალაქ თბილისში, ისნის რაიონში, აშოტ კურაპალატის ქუჩასთან მდებარე უსახელო ქუჩისთვის კრავაი ჯაყელის სახელის მინიჭების შესახებ.
4. ქალაქ თბილისში, გლდანის რაიონში, ჭრებალოს I შესახვევისთვის და უწერის II შესახვევისთვის ლიბანის ქუჩის სახელის მინიჭების შესახებ.
5. ქალაქ თბილისში, ისნის რაიონში, ძმები ყურაშვილების ქუჩასთან მდებარე უსახელო ქუჩისთვის ლავრენტი მანაგაძის სახელის მინიჭების შესახებ.
6. ქალაქ თბილისში, ჩუღურეთის რაიონში, აჭარის ქუჩის გაგრძელების და ქუჩასთან არსებული სამი უსახელო შესახვევისთვის აჭარის სახელის მინიჭების შესახებ.
7. ქალაქ თბილისში, ვაკის რაიონში, კვესეთში, ბეთანიის მონასტრის III შესახვევის გაგრძელების შესახებ.
8. ქალაქ თბილისში, ისნის რაიონში, უძოს ქუჩის შესახვევისთვის მედეა ღამბაშიძის ქუჩის სახელის მინიჭების შესახებ.

ნინო ვარდოსანიძემ პირველი საკითხის განხილვისას კომისიის წევრებს მიაწოდა ინფორმაცია ვაკის რაიონში თამაზ ნადარეიშვილის ქუჩასთან მდებარე ქუჩისთვის ვაჟა გვანცელაძის სახელის მინიჭებასთან დაკავშირებით. იგი იყო მედიცინის მეცნიერებათა დოქტორი, პროფესორი, საქართველოს ჰუმანიტარული და სახელოვნებო მეცნიერებათა აკადემიის აკადემიკოსი, საქართველოს და საერთაშორისო თამაშების ჩემპიონი და პრიზიორი კალათბურთში, ღირსების ორდენის კავალერი.

კომისიის წევრებმა აღნიშნულ საკითხს დადებითი რეკომენდაცია გაუწიეს.

მეორე საკითხი გლდანის რაიონში ჭიჭინაძის ქუჩისთვის და მასთან არსებული ორი შესახვევისთვის გიორგი და ზვიად უგრეხელიძეების სახელის მინიჭებას შეეხება. ისინი იყვნენ აფხაზეთში დაღუპული მეზრძოლები. სიკვდილის შემდეგ დაჯილდოებული იყვნენ მედლებით: „მხედრული მამაცობისთვის“.

მესამე საკითხი შეეხება ისნის რაიონში აშოტ კურაპალატის ქუჩასთან მდებარე უსახელო ქუჩისთვის კრავაი ჯაყელის სახელის მინიჭებას. ის იყო XII საუკუნის II ნახევრის საქართველოს პოლიტიკური მოღვაწე.

მეოთხე საკითხი შეეხება გლდანის რაიონში, ჭრებალოს I შესახვევისთვის და უწერის II შესახვევისთვის ლიბანის ქუჩის სახელის მინიჭებას.

კომისიის თავმჯდომარემ კომისიის წევრებს წარუდგინა დღის წესრიგით გათვალისწინებული მეხუთე საკითხი. კერძოდ ისნის რაიონში ძმები ყურაშვილების ქუჩასთან მდებარე უსახელო ქუჩას მიენიჭება ლავრენტი მანაგაძის სახელი.

ასევე დამისამართდება ჩუღურეთის რაიონში მდებარე აჭარის ქუჩის გაგრძელება და მასთან არსებული სამი შესახვევი და მიენიჭება აჭარის სახელი.

ასევე გაგრძელდება ვაკის რაიონში ბეთანიის მონასტრის III შესახვევი.

დღის წესრიგით წარმოდგენილი ბოლო საკითხი შეეხება ისნის რაიონში უძოს ქუჩის შესახვევს და მიენიჭება მედია ღამბაშიძის ქუჩის სახელი. იგი იყო პირველი ქართველი სტუდენტი ქალი, ვინც 1918 წელს დაარსებულ სახელმწიფო უნივერსიტეტში ჩაირიცხა. მან 19 წლის ასაკში პირველმა შეიტანა განცხადება თსუ-ში და პირველი სტუდენტური ბარათიც მისცეს. იყო ქართველი ემიგრანტის, ცნობილი ქართველი ექიმისა და საზოგადო მოღვაწის, ვახტანგ ღამბაშიძის შვილი.

კომისიის წევრებმა დღის წესრიგით წარმოდგენილ საკითხებს დადებითი რეკომენდაცია გაუწიეს.

ნინო ვარდოსანიძემ სხდომა დახურულად გამოაცხადა.

სახელდებისა და სიმბოლიკის

კომისიის თავმჯდომარე

ნინო ვარდოსანიძე

